




Groupe Parlementaire

Här Mars Di Bartolomeo  
President vun der Deputéiertechamber  
19, Um Krautmaart  
L-1728 Lëtzebuerg



Lëtzebuerg, de 16. Abrëll 2014

Här President,

Sou wéi d'Chambersreglement et virgesäit, bieden ech lech, dës parlamentaresch Fro un den Här Minister vun der Justiz weiderzeleeden.

*Z'ënter laangem gëtt un enger Reform vum Scheedungsrecht geschafft, bis elo leider ouni Resultat. Un de Problemer vun de Leit a Scheedungssituatiounen huet sech dowéinst och bis elo näicht geännert, obwuel se dacks gravéierend sinn.*

*Virun allem d'Problemer beim Suergrecht fir d'Kanner (Garde) a beim Besuchsrecht (droit de visite et d'hébergement) veruersachen ëmmer nees dramatesch Situatiounen, déi den Elteren wéi de Kanner wéi dinn a laangfristeg schueden. Phänomèna wéi d'Entfriemung (aliénation parentale) déi heefeg duerch d'Verweigerung vum Besuchsrecht entstinn sinn dobäi besonnesch ervirzehiewen.*

Dowéinst wollt ech den Här Minister vun der Justiz froen:

- 1. Wëll d'Regierung a Scheedungs- an Trennungssituatiounen dat gedeelte Suergrecht an dat gläich an alternéierend Besuchs- a Wunnrecht zur allgemenger an obligatorescher Regel maachen, souwäit déi konkret Emstänn dat zouloossen?*
- 2. Wéi wëll d'Regierung: géint den Elterendeel virgoen, den d'Besuchsrecht vun dem aneren Elterendeel net respektéiert (non-représentation d'enfant)?*
- 3. Wëll d'Regierung déi zivil Uerteeler iwwer d'Garde an d'Besuchsrecht an dem Sënn polizeilech ausféierbar (exécutoire) maachen, datt d'Police direkt kann agräifen wann et keng aner*

Méiglechkeet gëtt fir déi gerichtlich decidéiert Dispositiounen iwwer d'Suerg- oder d'Besuchsrecht duerchzesetzen?

4. Wéi eng Moossnamen wëll d'Regierung géint en Elterendeel huelen, den sech gerichtlich decidéierten Dispositiounen wéi z.B. enger Mediatioun oder Elteren-Kand Kontakter an enger Struktur systematesch widersetzt? Wäre et do net néideg kloer Regeln ze schafen, och mam Zil fir sou Prozeduren zäitlech ze kierzen?

Mat déiwem Respekt,



Fernand Kartheiser

Deputéierten